

‘NBRUGLIUNI...

Miscati, ma si veru curiusu?  
Chi ti cridìa, ca sulu tu sapivi scriviri poesie.  
Chi ti parìa, ca l’autri u ‘nannu sintiminti.  
Ca sulu tu sa ‘ncucchiari du paroli apprissu a nautra.  
Ca sulu tu ti chuci dintra cu la nustalgia.  
Ca sulu tu sinti ancora u ciavuru du stazzoni.  
Ca sulu tu vidisti a brivatura da via Calatanissetta.  
Ca sulu a tia arrizzanu i carni, quannu vidi na foto du Castuddu.  
‘Nfunnu nfunnu si a du uri di machina e ci po’ iri quannu vua.  
Penza a Caluzziddu, penza a Paolo.  
Sunn u a u Nord e fannu l’emigranti.  
Tu, ora, chi vua? Facisti u signorinu, facisti u patruniddu.  
Ora ca si ranni, va circannu u prosita di la genti.  
U prosita spetta a Caluzzedu, ca si pigliò u piaciri,  
sulu sulu, di leggirisi a Leopardi, a Quasimodo, mi!!, puru Ungaretti.  
Talia, chi così belli chi scrissi e chi fatica duppia chi ci vosi.  
Ma stu Pioltello, unn’è? Novara, u sacciu, vincì u scudettu.  
Palermu è in Sicilia e tu cca si. Na Trinacria, ni a Conca d’Oro.  
Ma u mi fari futtiri di ridiri.  
Paolo e Caluzzeddu, ora ci voli, hannu dirittu di chianciri,  
maciriarisi u ficatu, fari abbili e pinsari a Mussumeli.  
E lassa stari a nostalgia e a malinconia, ‘nbrugliuni!!  
Piglia u tamobili ca fra un’ura e mezza arrivasti a Mussumeli.

Piero Ciccarelli